

इवनिंग डोगरी न्यूज़ बुलेटिन

समे .1815

<><><><><><>

Headlines

- कुवैत नै प्रधानमंत्री नरेन्द्र मोदी होरें'गी अपने सब्बनें शा उच्चे सम्मान 'द आर्डर ऑफ मुबारक अल कबीर' कन्नै सम्मानित कीता ऐ।
- कश्मीर च कड़ाकू दी ठंड दे मददेनज़र मुख्यमंत्री ओमर अब्दुल्ला होर इक हफ्ते लेई घाटी च रूकियै लोकें लेई राहत सरबंधी हीले जकीनी बनाडन।
- सेहत मंत्री सकीना इत्तू होरें आखेआ ऐ जे सरकार दिव्यांग लोकें गी लोड़चदे साधन—वसीले ते मदाद उपलब्ध करोआने लेई वचनें बज्झी दी ऐ।
- भारत दी महिला अंडर—19 क्रिकेट टीम नै बंगलादेश गी हराइयै टी20 एशिया कप दा खिताब जित्ती लैता ऐ।

- जम्मू—कश्मीर च ठंडु दा प्रकोप बरोबर जारी — मौसम विभाग नै औंदी 26 दिसम्बर तगर मौसम खुश्क रौहने दी पेशगोई कीती ऐ।

<><><><><><>

PM-Award

कुवैत नै प्रधानमंत्री नरेन्द्र मोदी होरें गी अपने सब्बने शा बड्डे सम्मान ऑर्डर ऑफ मुबारक अल कबीर कन्नै समानत कीता ऐ। विदेश मंत्रालय नै दस्सेआ जे प्रधानमंत्री होरें गी कुसै देसै आस्सेआ दित्ते गेदा एह् 20मां अंतर्राष्ट्रीय सम्मान ऐ। ऑर्डर ऑफ मुबारक अल कबीर कुवैत दी नाइटहुड उपाधि ऐ। एह् सम्मान विदेशी राष्ट्र अध्यक्षें, शासनअध्यक्षें ते विदेशी राजशही परोआर दे मिंबरें गी मित्री दी नशानी दे तौरा पर दित्ता जंदा ऐ। मंत्रालय नै दस्सेआ जे एह्दे शा पैहले एह् सम्मान दो साबका अमरीकी राष्ट्रपति बिल क्लिंटन ते प्रिंस चार्ल्स जनेह् लीडरें गी दित्ता जाई चुके दा ऐ।

<><><><><><>

PM Meeting

प्रधानमंत्री नरेन्द्र मोदी होरें अज्ज कुवैत दे अमीर, शेख
मेशाल अल—अहमद अल—जबर अल—सबाह हुंदे कन्नै बैठक
कीती। इस मौके उनें केई महत्वपूर्ण खेत्तरें जि'आं दवाइएँ,
आईटी, फिनटैक, ढांचागत विकास ते सुरक्षा दे खेत्तरें च
साथ—सैह्योग बारै चर्चा कीती। सोशल मीडिया दी इक पोस्ट
च श्री मोदी होरें आखेआ जे भारत ते कुवैत नै अपनी
दपक्खी सांझ—भ्याली गी सामरिक स्तर तोहड़ी उबड़ा
चुक्केआ ऐ। उनें मेद जाहर कीती जे दौनें मुल्यें दी दोस्ती
औने आहले समें च होर बधोग ते मजबूत बनोग। दौनें
नेताएँ, भारत ते कुवैत बश्कार निग्गर ऐतिहासिक ते दोस्ताना
सरबंधें गी चेतता करदे होई दपक्खी सैह्योग गी होर तगड़ा
बनाने दी पूरी वचनबद्धता पक्की कीती। इत्त सरबंधै च उनें
दपक्खी सरबंधें दा दर्जा बधाइयै इनें'गी सामरिक
सांझ—भ्याली दे स्तर तोहड़ी लेई जाने दी बी सैहमति
जताई। प्रधानमंत्री होरें कुवैत च 10 लक्ख शा मते भारती
लोकें दा कल्याण जकीनी बनाने लेई अमीर हुंदा धन्नवाद
कीता।

CM Srinagar

कश्मीर घाटी च चलै करदी सख्त सीत लैहर बश्कार
मुख्यमंत्री ओमर अब्दुल्ला होरें अज्ज घोषणा कीती जे ओह
बिजली मैहकमा ते महत्वै आहलियें होर दुइयें सेवाएं दे
कम्मकाज दी ज़ाति तौरा पर निगरानी करने आस्तै अगले
हफ्ते श्रीनगर च रौहडन। राजस्थान दे जैसलमेर च बजट शा
पैहले ते जीएसटी परिषद दी बैठकें च शिरकत करने आहले
मुख्यमंत्री होरें टवीट् दी इक कड़ी रायें अपने इस फैसले
बारै जानकारी दित्ती। इनें टवीट् च कड़ाके दी ठंडु दरान
घाटी दे लोकें गी पेश औने आहलियें चुनौतियें गी हल करने
दी उंदी वचनबद्धता पर जोर पाया गेआ ऐ। ध्यानजोग ऐ जे
इस्सलै कश्मीर च हाल दे किश ब'रें दे मुकाबले रिकार्ड त्रोट
सर्दी होआ करदी ऐ ते तापमान मता चिगड़ा आवा'रदा ऐ।
श्रीनगर च हाल च गै तापमान सिफर थमां 8 इशारिया 5
डिग्री सैल्सियस हेठ दर्ज कीता गेआ जेहड़ा पिच्छले 50 ब'रें
च दिसम्बर दी सब्बनें शा ठंडी रात ही। कड़ाके दे सीत नै
पानी ते बिजली दी सप्लाई गी बुरी चाल्ली प्रभावत कीते दा

ਏ, ਜਿਸ ਕਰਿਯੈ ਆਮ ਲੋਕੇਂ ਦਿਆਂ ਦਿਕਕਤਾਂ—ਪਰੇਸ਼ਾਨਿਆਂ ਬਧੀ
ਗੇਝ੍ਯਾਂ ਨ।

<><><><><><>

VP Charan Singh Award

ਉਪਰਾਸ਼ਟ੍ਰਪਤਿ ਜਗਦੀਪ ਧਨਖੜ ਹੋਰੇਂ ਆਖੇਆ ਏ ਜੇ ਕ੍ਰਿਸ਼ਿ
ਗ੍ਰਾਏਂ—ਮੋਹੜੇਂ ਦੇ ਤਰਕਕੀ ਬਾਦ੍ਦੇ ਦੀ ਰੀਠ ਦੀ ਹਡ੍ਡੀ ਏ ਤੇ ਜਦ੍ਦ੍ਰ
ਤੋਹੜੀ ਗ੍ਰਾਏਂ ਦੇ ਖਾਕੇ ਚ ਤਬਦੀਲੀ ਨੇੜ੍ਹੀ ਔਂਦੀ, ਦੇਸ਼ ਵਿਕਸਿਤ
ਨੇੜ੍ਹੀ ਹੋੜ੍ਹੀ ਸਕਦਾ। ਅਜ੍ਜ ਨਮੀਂ ਦਿਲੀ ਚ ਚੌਧਰੀ ਚਰਣ ਸਿੰਹ
ਪੁਰਸਕਾਰ 2024 ਜਿਤਨੇ ਆਹਲੇਂ ਕੰਨੈ ਗਲਕਥ ਕਰਦੇ ਹੋੜ੍ਹੀ ਸ੍ਰੀ
ਧਨਖੜ ਹੋਰੇਂ ਆਖੇਆ ਜੇ ਗ੍ਰਾਏਂ ਦੀ ਅਰਥਬਵਸਥਾ ਛੜੀ ਉਸਲੈ ਗੈ
ਅਗੇ ਬਧੀ ਸਕਦੀ ਏ ਜਿਸਲੈ ਕਰਸਾਨ ਤੇ ਉਂਦੇ ਪਰੋਆਰ ਆਹਲੇ
ਬਪਾਰ ਕੀਮਤੇਂ ਚ ਬਾਦ੍ਦਾ ਤੇ ਕਲਸਟਰ ਆਤਮਨਿਰਭਰ ਬਨਾ'ਰਦੇ ਹੋਨ।
ਭਾਰਤ ਦੀ ਆਰਥਿਕ ਸਥਿਤਿ ਦਾ ਜਿਕਰ ਕਰਦੇ ਹੋੜ੍ਹੀ ਸ੍ਰੀ ਧਨਖੜ
ਹੋਰੇਂ ਆਖੇਆ ਜੇ ਭਾਰਤ ਮਜੂਦਾ ਸਮੇਂ ਚ ਵਿਸ਼ਵ ਦੀ 5ਵੀਂ ਸਭਨੇਂ
ਸ਼ਾ ਬਡ੍ਡੀ ਅਰਥਬਵਸਥਾ ਏ ਤੇ ਤੌਲੇ ਗੈ ਤਪਾਨ ਤੇ ਜਰਮਨੀ ਗੀ ਪਿਛੇ
ਛੋੜਿਯੈ ਤੀਯੇ ਨੰਬਰੈ ਦੀ ਸਭਨੇਂ ਸ਼ਾ ਬਡ੍ਡੀ ਅਰਥਬਵਸਥਾ ਬਨਨੇ ਦੀ
ਬਤ੍ਤੈ ਪਰ ਏ।

Suspect Arrested

कश्मीर घाटी दे बांडीपोरा ते बारामूला जिले च चलाए गेदे बकख—बकख अभियाने च त्रै संदिग्ध जनें गी थेहार ते गोले—बरुद सने हिरासतै च लैता गेआ ऐ। थोई दी टकोह्दी खूफिया सूह दी बिनाह पर फौज ते जम्मू—कश्मीर पुलस आसेआ बारामूला दे यारबुग च मोटर गडिडएं गी चैक करने आस्तै इक सांझी गश्ती चौकी खडेरी गेई। इस दरान द'ऊं संदिग्ध जनें गी गिरफ्तार कीता गेआ। उंदे कब्जे शा इक पस्तौल, द'ऊं हथगोले ते होर दुए थेहार बरामद कीते गे। इससै चाल्ली खूफिया जानकारी पर कार्रवाई करदे होई बांडीपोरा दे चानपोरा च खडेरी गेदी गश्ती चौकी दरान इक संदिग्ध गी हिरासतै च लैता गेआ। ओह्दे कोला इक पस्तौल, इक हथगोला ते होर दुए थेहारें दी बरामदगी होई। इस सरबंधै च पुलस नै मामला दर्ज करियै अगडी जांच शुरु करी दित्ती ऐ।

Dogri Maanta Diwas(bytes)

समूलचे जम्मू संभाग च अज्ज डोगरी मानता दिवस मनाया जा करदा ऐ। एह ध्याड़ा उस दिने गी चेता करदे होई मनाया लंदा ऐ जदूं डोगरी गी भारतीय संविधान दी 8मीं अनुसूची च शामिल कीता गेआ हा। एहदे मगरा डोगरी राश्ट्री भाषा बनी गई ही। संभाग च लग्गे दे बक्ख-बक्ख कार्यक्रमें च गीत-संगीत ते साहित्यिक चर्चाएं सनें सांस्कृतिक कार्यक्रमें दा सरिस्ता कीता गेआ। इंदे अलावा मन्ने परमन्ने दे साहित्यकारें, कलाकारें, लीडरें, डुग्गर दी सगोसार संस्कृति ते भाषा गी बचाने ते बढ़ावा देने दे महत्वै पर लोह पाई.....बाईट

<><><><><><>

Health Minister Itoo

सेहत ते डाक्टरी शिक्षा मैहकमे दिएं मंत्री स्कीना इत्तू होरें अज्ज आखेआ ऐ जे सरकार दिव्यांग लोकें गी लोड़चदे साधन-वसीले ते मदाद उपलब्ध करोआने लेई वचनें बज्झी दी ऐ तांजे ओह बी होरनें आह्ला लेखा, स्वतंत्र तरीके कन्नै मान-सम्मान आह्ला जीन जी सकन। मंत्री होरें एह गल्ल

अज्ज ब्राह्मण सभा परेड च दिव्यांग लोकें गी कृत्रिम अंग, ट्राईसैकल, व्हील चेयरां ते होर दुए उपकरण वगैरपा बंड्डने लेई लोआए गेदे इक कार्यक्रम दरान बोला करदिआं हिआं। इस कार्यक्रम दा आयोजन ग्रामीण इलाकें दे बिजलीकरण सरबंधी कारपोरेशन आसेआ भगवान महावीर विकलांग सहायता समिति कोटा दे सैहयोग कन्नै कीता गेदा हा। इस मौके बोलदे होई मंत्री होरें आखेआ जे उंदी सरकार दिव्यांग लोकें गी थोने आहली माह्वार पैशन गी 1 जहार रपें शा बधाइयै 3 जहार रपे करने दी दिशा च कम्म करै करदी ऐ।

<><><><><><>श

JMC Street Lights (byte)

जम्मू मुंसिपल कारपोरेशन नै जम्मू शैहरा च शिड़कें पर लाईटें सरबंधी ढांचे गी तगड़ा बनाने दी दिशा च इक बड्डी गैह पुट्टी ऐ। ऊर्जा दक्षता सेवा लिमिटेड यानि ईईसीएल कन्नै इक नमीं पैहलकदमी दे तैहत जम्मू मुंसिपल कारपोरेशन गी 4 जहार 570 स्ट्रीट लाईटां हासल होइयां न तांजे शैहरी इलाकें च शिड़कें कंड्ढें लाईटें सरबंधी जरूरतें

गी पूरा कीता जाई सकै। जम्मू नगर निगम दे कमिशनर डाक्टर देवांश यादव होरें आखेआ ऐ जे इस गैंह कन्नै जम्मू च रोशनी ते सुरक्षा च पक्क गै बाददा होग। लोकें गी एह जकीन बदोआया गेआ ऐ जे स्ट्रीट लाईटें कन्नै सरबंधत मामलें दा फौरी तौर पर नबेडा करोआया जाहग। इस सरबंधै च होर जानकारी दिंदे होई डाक्टर देवांश यादव होरें आखेआ

<><><><><><>

Prashasan Gaon Ki Aur

रामबन जिला प्रशासन आस्सेआ चलाया जा करदा “प्रशासन गांव की और” कार्यक्रम दा मकसद सुशासन दे सिद्धांतें गी निगगर करना ते मुंडली सतह पर लोकें गी दित्ती जाने आलिएं सेवा च पुधार आनना ऐ। एह रामबन दे समग्र विकास लेई जिला प्रशासन दी वचनबद्धता गी दस्सेआ ऐ। इस कार्यक्रम च जिले दा सेहत मैहकमा बी लोकें दी सेहत दी तुरत ते बेहतर जांच करियै प्रशासन दा सैहयोग करा करदा ऐ। “प्रशासन गांव की और” अभियान तैहत आयोजित कीते जा करदे हरेक मैडिकल कैप च डाक्टर ते नीम डाक्टरी

अमला लोकें गी बेह्तरीन सेवा उपलब्ध करोआ करदे न। इनें कैपें दा सरिस्ता रामबन जिले दे गूल, संगलदान ते गुंदी धरम ब्लाक च कीता जा'रदा ऐ। इस बारे जानकारी दिंदे होई रामबन दे सीएमओ होरें आखेआ

<><><><><><>

Bicycle Man

प्रदेश दे बसनीक नीरज कुमार जेहड़ें सैकल मैन दे तौरा पर टकोह्दी पन्छान रक्खदे न, उनें रियासी जिले दे सनाकड़े पर चुनौतियें कन्नै भरोचे दे इलाकें च करसानें गी बाअख्तियार बनाने आस्तै इक बेह्तरीन ते होरनें गी प्रेरित करने आहली पैहल कीती ऐ। करसानें गी अज्जै—कल्लै दे ढंग्गें कन्नै खेती दे तौर—तरीकें बारै जागरूक करने दे मकसद कन्नै नीरज होर अपनी भरोसेमंद सैकल पर जिले दे दूर—दरेडे ग्राएं—मोहड़ें ते कृषि केन्द्रें दी जात्तरा रम्भी दी ऐ। उंदी इस जात्तरा दा लक्ष्य करसानें गी राई—बाई दियें नमियें काहड़ें, जैविक खेती, पानी दी सांभ—संभाल ते बक्ख—बक्ख फसलें बारै जानकारी दी कमी गी दूर करना ऐ।

PM Mann Ki Baat

प्रधानमंत्री नरेन्द्र मोदी अपने माहवार रेडियो कार्यक्रम “मन की बात” दे राएं औंदी 29 दिसम्बर गी देश—विदेश च रौह्ने आहले श्रोताएं कन्नै बचार सांझे करडन। हर म्हीने दे अखीरले ऐतवारें दिनै 11 बजे प्रसारत होने आले इस कार्यक्रम दी एह् 117मीं किश्त होग। कार्यक्रम च शामिल कराने लेई लोक अपने बचार टोल फ्री नंबर 1800—11—7800 पर फोन करियै जां फही नरेन्द्र मोदी ऐप पर बी इस म्हीने दी 27 तरीक तगर भेजी सकदे न। मन की बात दा प्रसारण आकाशवाणी ते दूरदर्शन दे समूलचे नेटवर्क पर कीता जाह्ग। एह्दे इलावा एह् प्रसारण आकाशवाणी खबरें दी वैबसाइट ते न्यूज़ ऑन ए.आई.आर मोबाइल ऐप पर बी उपलब्ध होग। एह्दे कन्नो कन्नी आकाशवाणी समाचार, डी.डी न्यूज़, प्रधानमंत्री हुंदे दफतर ते सूचना ते प्रसारण मंत्रालय दे यूट्यूब चैनलें पर बी एह्दी लाइव स्ट्रीमिंग उपलब्ध होग। आकाशवाणी परा मन की बात दे प्रसारण दे तुरत मगरा मकामी भाशाएं च एह्दा अनुवाद बी प्रसारण कीता जाह्ग।



Women Cricket

क्वालालंपुर इच 19एं ब'रें कोला हेठली बरेसू दियें महिलाएं दा टी20 एशिया कप क्रिकेट दे खताबी मुकाबले च भारत नै बांग्लादेश गी 41 रन्जें कन्नै हराइयै जित्त दर्ज कीती ऐ। 118एं रन्जें दे लक्ष्य दा पिच्छा करदे होई बंग्लादेश दी पूरी टीम 18एं ओवरें ते 3 गेंदें च 76 रन्जें पर आउट होई गई। भारत लेई आयूषी शुक्ला नै 3 जिल्ले के परूनिका सिसोदिया ते सोनम यादव नै 2—2 खड्ढारियें गी आउट कीता। एह्दे शा पैहले बल्लेबाजी करदे होई भारत नै तय 20एं ओवरें च 117 रन्ज बनाए। त्रिशा नै 47 गेंदें च सब्बनें शा मते शानदार 52 रन्जें दा जोगदान दित्ता।



Weather

घाटी च सब्बनें शा सर्द, 40एं दिनें दा समें — चिल्ले कलां शुरु होने दे कन्नै हून समूलचे जम्मू—कश्मीर च सीत हर

लंग्घदे दिनै दे कन्नै बधदा जा करदा ऐ। जम्मू च अज्ज
दिनै दा बद्धोबद्ध तापमान 18 इशारिया 4 डिग्री सैल्सियस ते
जंदी रातीं दा घट्टोघट्ट तापमान 6 इशारिया 5 डिग्री
सैल्सियस दर्ज कीता गेआ। मौसम विभाग नै औंदी 26
दिसम्बर तगर मौसम खुश्क रौहने दी पेशगोई कीती ऐ।
प्रदेश दिएं उच्चिएं धारें ते मती उंचाई आहले इलाकें च
स्थित सिङ्कें पर बर्फबारी आहले हालात दे मददेनज़र लोकें
गी एह सलाह दित्ती गई ऐ जे ओह सफर शुरु करने शा
पैहले ट्रैफिक पुलस दी सलाह सुनी लैन।

<><><><><><>